

T5236.7/2213

5

1

5



CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

MAR 14 1932

皇明文徵卷三

賦三

天文

顧璘

祝融峯觀日出賦

嘉靖丁酉仲冬幾晦姑蘇顧璘巡方  
至衡陽嶽神訖乃登祝融宿上方翌  
曉觀日出景象特奇遂述而賦焉賦

晉江何喬遠撰孝選



皇明文徵卷三

晉江何喬遠稭孝選

哈佛大學哈佛燕京  
圖書館珍藏印

賦三

天文

顧璘

祝融峰觀日出賦

嘉靖丁酉仲冬幾晦姑蘇顧璘巡方

至衡謁嶽神訖乃登祝融宿上方翌

曉觀日出景象特奇遂述而賦焉賦



曰

維南衡之崇嶽標祝融之危峰下蟠據乎厚地  
上峻極於蒼穹匪丈引之可度盡他山其難比  
隆睇四極而無蔽又何限乎寰中觀其嶽寄萃  
嶽直上莫止捫歷參井靡高弗至躡浮履霄帝  
居或指足踈汗慄不敢俯視何其高也若乃斗  
杓旣仄啓明未升漏刻已盡荒雞甫鳴天莽蒼  
其一色泯萬動猶無聲謂日出其可觀乃跂望  
於高亭爾其游氛且凝灑氣欲豁萬里乍近沕

沕穆穆睽彼陽輪尚爾淵汨冥迷遼漠恍不可  
度少焉光景上燭高漢舒白如火將炎大暗微  
晰羣望方勤目不移盼積靄倏裂閃爍驚電駭  
指失叫乍見一綫漂沈搖曳湧出波面燭籠外  
赤鳧卵中黃上殷下闇半吐半藏依微滉瀆如  
覲海色水火交爭良久乃脫於是金烏高舉若  
木影離羲和叱馭八表馳暉所可疑者視扶桑  
于咫尺東曠望而無窮日遲天於一度何環周  
之莫同參渾儀與宣夜猶想像其若憊大哉天



之爲天也固致詰而難終

夏言

天賜時玉賦

嘉靖十四年歲乙未正月二日夜雪

詰朝全霽

上喜札諭輔臣暨

禮官曰今日正欲與卿等一見但蒙

天賜時玉耳臣言伏讀

聖文

以時玉名雪實古今所未經道臣謹

恭掇

天語作天賜時玉賦一

首獻伏惟

聖明垂覽焉賦曰

端月啓淑氣回陽春布瑞雪飛

天子一

念周于九圍乃命楮毫

詔臣僕感天恩

賜時玉千里一色四郊霑足俄而曉日升慶雲

見天子擁大裘於椒宮被袞衣於蘭殿

於是南宮小臣仰承宸翰謹端拜而進辭曰臣

聞先正有言使天而雨珠寒者不可以爲襦使

天而雨玉饑者不可以爲粟伊上天之降雪實

滋繁於五穀矧一氣之潛萌已三白而相屬錫



兆庶以豐年耀太平之玉燭爾其飄飄灑灑藹藹  
藹浮浮光明鵲觀輝映龍樓乍蕭騷以入聽倏  
皎潔而盈眸挺瓊林於閨圃積瑤水於崑丘陋  
北風之歌衛壯南山而詠周於是樂彼閭閻惠  
此畎畝明昭上帝錫我大有諧萬國之懽心慰  
三農之翹首諒無慚於比德宜見稱於我

后歌曰稷翼之山其玉惟白兮弗如時雪之  
沛我民澤兮秦冒之山其玉惟藻兮弗如時雪  
之慰我民悄兮密山之上惟玉流膏兮弗如時

雪之息我民勞兮故臯之山惟玉多蒼兮弗如  
時雪之療我痒兮天生萬物莫貴於玉兮弗如  
時雪之介我穀兮介我穀兮民食足兮民食足  
兮何以玉兮是曰受天之賜俾  
天子萬  
福兮

謝杰

海月賦同蕭給事使琉球作

繫波臣之徠服矢寶目于明庭敦籛楛之遺則  
徼皇王之濯靈  
帝嘉聲教之被訖鑿孤



遐之款誠爰命二臣以于邁泛舩艗而東征余  
乃棄孳息辭弟兄耦星使趣王程出晉安道新  
寧駕飛廉馮大庭望洲島涉裨瀛翩然霞舉冷  
如風行比中流以遙矚值華月之方升瞻彼月  
兮太陰之精潮應而落潮應而興潮侵而闕潮  
盛而盈旣與潮而爲伍自與海而相仍此善下  
而大彼虛受而凝此浮天而爲岸彼借日而生  
明此納百谷而稱王彼從衆星而名卿滄桑以  
爲晝夜晦朔以爲死生被窮髮而黑經閭扶而

青三蠖肥而滿六鼇奠而寧魚腦滅而滅龍伯  
蹶而傾旣漚漚而灑灑亦淵淵而泠泠爰瀟瀟  
而皦皦復鼎鼎而熒熒儵忽異狀瞬息殊形方  
夫崦嵫旣沒扶桑未啓光風乍融太宇轉霽下  
無驚濤上無微翳望舒狩而升輿羿妻奔而騁  
轡織阿駮乘結鄰翼衛重輪稅于歸墟合璧騰  
於蒙汜黃道經之碧津赤路交乎黑齒滄嶼養  
魄沃焦抱珥員嶠奉規尾閭循緯碣石薄而鳧  
飛之杲蕩而兔逝天墟浹而黃長析木浮而桂



墜玉珧石華潛盜其靈海鏡方諸亦稟其氣非  
眇非胸非匿非臄時五而三時八而二增潤重  
溟流輝萬里洗光金銀之宮湛碧珊瑚之址或  
縐者如縠或爛者如綺或潔者如圭或平者如  
砥或好者如瑗或激者如矢或華者如蜃或躍  
者如鯉或如素鳳之下池頭或如白鼉之嬉水  
次或如瑤瑟之鼓湘江或如鮫綃之絢蓬市或  
如寶筏度於恒河或如玉華點乎蒼洱或如螢  
火映于林塘或如梅花落夫沼沚或浮或沉赤  
烏浴而淵暉或滅或沒驪龍領而川媚或閃或  
鑠電騰雲漢之墟或錯或落斗轉明河之浹想  
而像之驚心駭視至於皓靈披披浚瀾生紫儼  
若軒帝遺珠赤水迴雪宛轉清麗射人又若宓  
神歸于洛濱夜光盈盈蟾蜍在腹又若女狄暮  
汲而育銀山雪屋千疊萬行又若伍相立馬錢  
塘陽侯疾驅金虬狂舞又若澹臺碎壁水滸須  
史浪息微明不波又若武皇眺于影娥皜素纈  
紛非練非組又若天孫夜渡河渚靈暉燁燁萬



濤增妍又若神劍沉于鐔淵茲時茲景洵不易  
得水鏡空明冰壺津液玉杵秋清玄霜夜碧漢  
臯風洄珮環浙瀝陽臺雨歇朝雲生白以泳以  
遊其樂何極於是舉酒以屬諫議分韻賦詩余  
歌曰月出兮東方水流兮湯湯我所思兮道路  
長欲往從之兮河無梁諫議亦歌曰月暈兮知  
天雨海水兮知天寒佳期逝兮衆芳闌思美人  
兮隔雲端歌竟魚龍交奮餘景就畢滿船跼伏  
不寒而栗余歎怡然載賡載繹秋水之篇明月  
之什一闕未終颺舉兩腋流響溯澹排山破石  
馮夷遭迴天吳辟易少焉風定雲色猶黑諫議  
曰美哉色也洋洋奕奕宜諧宮商服之無斃眎  
彼乘輿南樓賦詩赤壁牛渚泛舟晉陽卻敵洵  
夷險之殊致又遐邇之迥跡奚翅大明之與燭  
火海若之於河伯

時令

劉球

至日早朝賦



維宣德紀元之五載逮玄冥司令之中旬羲和  
回馭於北陸招搖指子於初昏玉琯之灰乃動  
黃鍾之候維新開萬物之大始轉一氣於鴻鈞  
幸會昇平之運於今日宜致履長之慶於紫宸  
焉故時則靈臺是定禮則鴻臚斯宰儀物則內  
外畢備執事則大小恪戒莫不齊沐宵興敬恭  
以待是日也及東方之未曙仰明星之猶光車  
塵紛兮以起途燭燦兮交張聽玉漏之滴瀝望  
廷燎之輝煌九門闢兮旣廓三鼓發而有鏜填  
兩掖以競進鳴雙珮兮鏗鏘陛衛羅以萬隊鹵  
簿設其兩傍合之則爲耦離之則成行牙旗羽  
蓋龍文鳳章玉節金螯戈矛戈揚衆不能名美  
不能方少焉日曛曛兮東躋雲縹緲兮下幕浮  
佳氣於簾櫳燦祥光於碧落飛鳥隼兮垂翔凝  
冰霜兮融液爐烟起而香風飄廷鞭響而羣囂  
寂闐象端厥容止仗馬不敢喘息然後啓瑤扃  
來警蹕鴻鐘鉦鑾輿出高明袞衣之日月遠覩  
天位之飛龍黼宸後設而斷必自乎睿思冕旒



前隨而明不掩於重瞳無動聲色篤恭其容儼  
然帝舜之正位乎南面何異周武之垂拱乎九  
重其臣則王公侯伯貂蟬眩幘玉帶懸牙朱衣  
襲裼卿大夫士降至百職濟濟蹒蹒莫不盛飾  
冠以品分班以次設東文西武鴛排鵠植芴及  
服左衽之遠夷言侏儻之羣貊詩書所未道其  
名唐虞所不賓之國皆奉玉帛而遠來亦幸觀  
光乎其側於是絳幘雞人長鳴東廡伶官發音  
金石祝歆琴瑟蕭管交宣迭鼓聲洋洋乎盈耳  
節鏗鏗乎有序禮官唱讚登降拜俯進退啓跪  
或躍或舞咸中乎儀罔愆於素諸方甌進之辭  
旣退萬口嵩呼之聲齊舉喜動乎天顏聲震乎  
寰宇迨乎大禮旣成祥慶洊臻荷天子之有命  
賜衆臣休暇於浹辰宴幣旣頒恩禮復勤凡有  
生之衆庶莫不願戴於一人且夫冬之爲節自  
古所尚豈但魯史備雲物之書周官重圜丘之  
享蓋其在易卦則爲復而復之爲義取乎陰消  
而陽長陽長則君子道泰之漸陰消則小人道



否之象上必體此而思君子之道當崇下必體此而思小人之道不足仗上下同情是則是懲務使邪枉不得勝乎正直讒慝不得妨乎賢能則天下可納之仁義之域功德可齊乎唐虞之稱皇圖於焉而鞏固福物自是而駢增

劉鳳

凌秋賦

有序

昔宋玉大夫以詞賦幸於君朝遊乎蘭臺夕奉苑囿之燕閒奏微詞恣詆

詭譎浪左右逞嫺麗與才辯忘狎暱之誚至一言當意立賜千金同列相讒卒不能退仕得意若此固無所爲嘆尚有感於秋之搖落慨然興思况余蚤應孝廉弱冠登朝奉使丁年不返周衛徬徨京易之郊跋扈鯨鯢之澁旣不能木彊立伎見憚於時又不能滑稽柔嫫俛仰取悅又何以揚名發譽吐氣軒眉於煌煌之世哉今退



而老於負海之隅固轍跡之所不經  
而觀遊之所未睨也樸遯焉數哈臺訶

切

火下

何細有啗點豐顛之疵無

穆康淵曜之諛多噪呿

力凍切

嗜噤

許戒

切

之隙鮮祇莊膚讓之契此成侯所

以啜泣敬通所以替泄也且羸育胥

而仆蹶駢駘蕩而失勢固么瘠竊怵

噂啗啞噬而噤

一感切又鳥合切

噤閉拒之

會也又何能不閒遼洋散因時放廢

蕭條於天壤之外乎哉邇者夏序炎

達赫烈洪霈衽燠暉之積暘灼玄燎

之赤賁雖弛縱休懈體虺倚諉怠不

開發而猶夷暢舒解情恬慮耽忽忘

其勤乃清商戒涼少昊司馭端居無

聊內自遊越不知所泊爰抽羨思裁

而賦焉

夫何秋之爲氣兮發乎泱泱之馮馮潛迴薄之

相糾兮陰始受制於璇灝之高旻

叶眉切

紆皞滌



之不可覩兮然悽惻乎金行背七舍之所徙兮

刑德遷而在河蒙汜逶迤之迫曙兮悵聊浪乎

朏明女夷橫道而獨處兮廣野來風之營營起

乎豐沮之無形兮經柅格之茂松旋瑤碧之環

淵兮啓玄鳥之何衆叶昌容切繩河儲與以瀚瀚兮

藐招搖之窈深叶書容切珥弁茲於大荒之西兮下

軒轅之臺而以降叶乎改切故其溽潤始收煦以暘

曠熙燠日謝夙夜易貫漸乎沃澤窮乎大莫入

蓬蓬之衝擁復衍溢而罕漫批總駕於不周鶩

雲撓而叛散潏潏乎分流異態颯颯而可惋出

入洲浦往來埼仄歷漾澧之颺輕隱陰池之泚

泚洞房突以溲逖芳華菲其日晏爾其爲狀也

汨乎無從順阿谷之迴復廓颯颯而下瀨激礧

礧漱漑澳油然以興酋爾焉稅憖悽高厲渾渟

譏譏澹澹無色淫溶弼磕滉漾湫寥曲沸沛艾

瀟泔愴怛悴憊滔窈紵抱隤曖潼潼憤恨滂洋

四施蒼湛湛而不分夢縷引而却赴杳兮昊冥

芒艾鴻洞颺颺颺颺颺颺頽膏漂漑冽疾颺急



倥傯颯颯滯霏霏霧龍從萃中涌而惚惘然後

欻欻栗烈懾懾揭轍叶魚列切礫拉摧折奄離披而

颯揆於是霏霏雷雷曇曇汗滯嶮嶮萌霏莫綜切溢

亂鳥孔切蜚渾雌霓叶五結切電雲霧霧靈靈豁零靈

靈而不澈霽所板切零胡夾切霏霏匪之靈澍睨繫

景而相軋露露霽霽而叢積乎芷薜靈朝霽而猶

戛聒叶五鏗切盤紆曾紫活活爛爛檣鞠乎氤氳潰

黯黯而輻輳飄風至而歛望旣眾夥之蹠踳蹠

若旣晞慘慄恹恹天醒而無倪昉晃具明曷瞽

物昕晫朗烈以爽爽映薄寒之感人於是地氣

歛霽穹浩昭晰矧晚晗景暄藹消漆光曠暘暘

磊砢磷峁藥掩薄疎宕豁問渟濩矯翹翹以遠

視悅聞聲而不得其埒倏滅沒以幽晶嶮迅輕

而摺拉煌煜灑浙休與奄夷昶朗厭浥閭皎瞪

噴曉的樂而熠熠欵颯颯以竦擢臚清揚之沓

颯於是傾寄崩疑巖陁都兮切熿叶戶圭切崇嶺嶄

截屣屨參差帶以逸筒涼颯崔崔叶徂為切其奧噤

嵯通乎支離有滄巨瀆丘虛邈迤長崖震凌鬱







嚴凝之所襲，葑輓藪於磋碗，槁蹙踐而霏淩。爾

其棋枰以整切，青稚粉榆白華，文桺橫根赤裳，櫨

枿息流切，纍所臻切，狄杜欄精才見切，檉柳標杙，榦

而揚葩，栲栳招於諸慮，杻檍楔旄，與棠棠柝，抽

條之櫛，檠櫛擢頰而可嘉，忽復萃尊具腓，指桐

攬解，搆旋溺而爭劇，去葉成歛，辯徧汀彌阜，敷

衍緣隰，倚捥梧榿，朴扶撮擣叶普切，津液內攄，紛

綸下屬，菱絕乎沉，斥交錯振，攏捩捩，秘撼漾漾

汪汪，荒揅揅之浮速，浸淫陂陀，輪茵檠阨，振擗

摺折，實落其實，柯搖擾而不寧，憑陵肆其撼割

叶呼切，媵萬族而無遺，惋洪割之不可以蹠，於是

隴鴈駕鵝，青鶴玄鳧，王鴟夏鳳，風毛雨鷗，翕呷

驚而命羣，遊泳金隄而唼，夫寒蕪引清，吭以哀

唳，暖啁啾於潢洿，超寥朗而趨北紘，又霧闇晦

而冥乎具區，聲流喝以沸，駭猳許月切，翩翩而扶

輿，阬以明月之灣，隈亂莢與葭，蘆陸去居切，嚙嚙

之悽，轉屢咽絕而鳴，鳴阨隙古，鳴隩陷陴力罪切

階，羈雌匹，驚噉叫傷，痕累棲，曾依嚼，呖啞，咎將叶



此於是悲風四起天遊谷動辛候惓惓不曠

隴徘徊曩晏愴何恐悽纏以羸香幽切颯側楚忪

職容切怵叶余故能令人恨憾快悒惆悵懷思忪

鬱憤憤悄然不怡愕馳光之亟徙俛逝波而涕

眇豈長年之忉忼叶徒切忉徒各切沉抱之長齋既

駁犖感乎寤嘆驚翩幡之經夫盛衰掩聊慮於

修夕踔爛漫而誰唉隱夫異域掩薄亭壘萬里

一候渺邈窮紀臨絕徼乘日趾泛蒙汜極塗軌

接羌戎雜邊鄙吸連卷之飛蓬旋征車而焉指

聆風聲之互發愍僚悞之盈耳緒叢倚之遙騫

來何鄉而骫佷叶過切逖遊雲之變態悰無歡而

徙倚乍蹙踣之雄矯悴低顏於驍志髮起立而

魂悸目瞪視而氣死及夫婉孌姝艷麗靡柔曼

之徒狎恃芬澤既姣且都忽見微霜奄冉襲豐

條削天喬踰步欄隨長飈漚酷烈之閻易媿侵

潄勃宰而集乎前除思心痠而若墜低徊顧而

踟躕辭金翠之與共彫內怵惕而不自恃聞空

閨之謝瓊華殫年貌而泣乎孤嫠淚綆縻之不



絕懟道歲悠遠而誰爲款秋風之落燕飾遷延  
含睇而傷丹之姬故雖顯融豐泰富貴當身意  
氣盈眦聲焰燁之殷軫侔於鬼神然而履滿知  
懼懷昔愴今隱念終始慨然呻吟慙疇曩於布  
衣幾守事於閭巷遭拔擢以隆崇握璣璿之亢  
閭恁稅駕而何所患去勇切霑巾之悵悵諒懷戀  
於寵貴懣促景而凄滄物禁太盛其不可詎胡切  
焉屬目土思而無望招搖愬去計切於時晚精  
識匱憊而亦何況愔周防圖永世以爲固嗟一

往而不復壯廼有才貫極選道術絕縱騁古遐

肆邃藐無封叶方切上下五三莫之能綜微解諳

度理恡慧同淵用容裔愔愔不可爲頌然而會不

丁王侯擁帚道迎之季躬卑禮而推轂又不值

伏軾馳說以息競焚步高視遠而洋洋角逐徒

守尺寸僭愆於院東無有權康君公臣僕品序

曹列並受其福齊餘子之忍切謾謾迫拘攣儼

宗六切蜷局僊蘇代切媪乃罪切頽踈伏黑白不能

出口鉛黃僂於時日翮翼翮而眦歛羨槍榆之



翮翮羞媿媿以言姣好忸卑約而恒縮胸夫其  
生不逢適運往時來身世危脆颯焉驚心體力  
虛敝少壯亡何時變愈泄顧惟神頹有慘骨劇  
跡電逝之靡遑慄丘園之沈滯愆流浪以安歸  
訾千鈞於縷綴操以不貲之重器兮企日夜不  
覺年之已逮彼衰老之仍仍兮曾不辨才性之  
與智諳造化不能迴幹以單厚兮賢聖亦將同  
愚夫而疹疹勦尅勤其何益兮韞他典切艷普郎切  
艷莫郎切而同措噴噤唵以銜嗜兮唵噶嗜而多

媚妬

叶徒古切

睒黃鵠於晨林兮豈不遠而竊獨玩

其毛羽勁朔氣之遙入遐不翺以軒翥兮池沼

俛而啄夫陵蒼哺起未忘涖浦之遑慕兮慚眇

影徒彰以孤憬

叶俱永切

歷白石之礪硤兮育育遼

濫而沿泝靚川澤之宵皎兮搯蕙芳於瑤之圃

蹇吾將色舉而道夫西溟兮徙蒼梧之翳

呼橫切

臧而後納履八桂醞而曜榮兮飗零中鬱郁之

芬露腓沐洽繫此馥醇兮惟時芳霍繹而遭選

奈

耻價切

頤頤而竣遁自遠兮焉落蘂之纒纒而



可娛

叶委羽切

馨茂愴

徒敢切

清以靜好兮茲紆疹乎

衆慙而畏懼路幽昧駟而不知所詣兮時又皚

皚而將暮情日遷而流汨兮倦中道而猶顧若

夫湛悅詩書內賦章質愉乎道德前業是述校

飾當代襲奮六而為七網羅百氏靡使放失解

繩以來燔棄所泆鞿鞅分塗咸即殼率律總儒

墨於義府馳千載而可扶創彝倫以毘文命誕

皇皇而厚弘弼正色椎切乎核論奮所是而載

筆固假擅之何敢托記言於方聞以為正叶諸盈切

况作者之用心森削牘而盛賢衆叶諸仍切諒刊裁

以覽觀天地之閔兮懼非小子之能承猶黽勉

於戒旦兮常翹翹以夙興瞻仰欲從初之本廸

兮惕此日月之若奔叶通盈切清夜醜醜而誰語兮

重屈抑利志而撫情涉沛徂之誕詭兮悻數化

而憎年齡慄去留為達人所鄙兮暄涼亦奚事

而搖其精踵遐代以軼君子之芳武兮矚然出

滋垢而懸吾之令名亂曰白露瀕下括丑括切

瀕丑括切漢浪潔清秋氣感人兮西宮御女便環輕體垂



素繒兮翟人故處  
憔悴殺不佻發  
秦聲兮灑若雲

山渠蒲永切 灑火界切 林薄芳不得越  
今鷓鴣代晨

雜選滂浩乎結切 何颺許月切 今華容倬態曼視

脩睇中自竭今捐撩  
撼掣擊離蕭幕軒  
芻芻許叶

切月今周道日顛凝寒  
盈望深不可涉  
今氣盛磅

薄儻以砢礮獨何慊  
兮萬里一息浩往而不可

止極莽蒼兮

韋布

盧枏

### 秋賦

楚襄王與宋玉遊於雲夢之臺  
蘭臺之館浮

漢沔略江潭射楊林  
眺蒙山遊旌蜿蟺法象緯

嫿輝蔭三湘氣彌七澤  
倚蘭幽以承珮芳桂遠

而延輓輦瑤華之繽紛  
翔翠羽之翩翻於時涼

月懸珪白露凝輝  
寒風鳴條微霜沾衣宵霧靄

今遠山峯暮煙橫  
今長河湄王廼抽牘揄翰以

命宋玉曰疇昔雲夢之遊  
子大夫為寡人賦高

唐末及蘭臺之駕  
子大夫為寡人賦雄風方今



日馳虞淵躡駛先鳴汗漫淒渙無以攄情予大  
夫未有說乎願爲寡人賦之宋玉於是逡巡改  
容釋位離次跪而稱賦曰臣聞天地無闕乾坤  
斥衍剛柔沓分時序交禪春華發榮秋實振晏  
其爲體也博確鴻固專翕廉凝收斂像類參伍  
元英乾健不息彌成罔極上備天道下全王德  
秋之時義大矣哉夫其朱明旣退招拒斯昂蓐  
收弭蓋少皞弛裝闢白門肅金方韜炎飈激清  
商焦溪涸而不流沸潭潛而弗揚爾其爲氣也  
氤氲膠戾漉翻頽隕蒼翳綸菌掣蹠礪霈喟喟  
忽忽撞搪磕礫若迺觸土囊汗污之口噉大木  
圈枿之竅燦厲叱嗃迴噉突嘯眩勃碣駭踣踧  
攢號倏拂改節和喁稍礮碎今若促絃柱而摛  
箏纂迤兮若逸擠擣而鳴埴囂細緼窳圍橫酸  
鬱陶爾其爲容也澹澹晻晻皓暘曠曠斥塊澁  
漫廓落鴻敞荒裔凌厲上下窳窳黠靄轉薄遊  
氛軼蕩紛態橫出衷懷悵惘蕭瑟寂寥惘恨憊  
悽孤臣孽子遷客棄婦莫不感心傷氣流涕增



欵爾其童濯岑巘分披崑崙䟽離案衍宣回嶽  
壑泐岸崢嶸羣山蕭索劉厲彌平寂寥空廓於  
是清玄海落長江抑舄澤熒扶桑潛滌淳滴密  
鱗滿灑霜凝龍窟霰落鼉房鮫人泣珠海童滅  
光陽侯馮夷天吳個像魂銷魄揚率悉愴怳若  
迺芟糜森蔚沈寥林塘隳葩榕椌伐萌沙櫟繫  
精於松檜之林獵芳於桂椒之圃被杜若委庭  
蘭蒙江薜夷射干翠葉紫莖朱萼秀華隨風振  
綺應日傾葩於是鴈遊江浦雀流海濱燕歸玄  
穴蟬寂窮林蟋蟀宵征鷓雞夜吟陰凝氣積萬  
物凋瘁倘有藏身後時削跡未逮披零雹衝凍  
毳折跂裂吻而死者不可稱計若夫志士坎壈  
中人薄寒蹇產淹留感時增歎惻愴迄節忿瞽  
溷恩僚慄於邑絳結弗變此夫閉藏萬有樽節  
造化忌盛憂滿唯秋之謝王迺乘戎輅載素旂  
服白玉駟雲螭居明堂命將帥誅暴慢明好惡  
嚴斷刑修法制繕囹圄決訟獄感氣順化應時  
承治所以張弛乎仁義之道彌縫乎禮樂之文



於是東漸西被恩殫無垠脩臂鑿齒之邦結曾  
謹頭之民幪鳳凰箱麒麟絜猛獸籠文禽薦上  
國充珍肆於昭聿皇萬萬歲

皇明文徵卷四

晉江何喬遠稭孝選

賦四

感懷

周濟

遂初賦

竊予生之不辰兮性闇昧以憤瀆遵軌度以托  
處兮猶遑遑焉其競逐嗟先民之既逝兮世貿  
貿而罔極彼籛條之眇小兮紛盛麗以無斃稽



堯舜之勲華兮咎夔輔而稷契揚媵君臣之胥  
慶兮下及於有商尹負鼎以醜夏兮虺矢誥以  
釋湯君賢聖以六七作兮咸能覲乎往古且奭  
開周以八百兮中猶繼之以申甫秦得士以強  
國兮哀三良之見殺羣雄逐鹿兮楚漢爭智士  
阻阨兮勇夫扎緊叔季之雲擾兮益脂膏而茸  
鬪雖誼辟之代興兮憫忠良之罔察逮歷服之  
禪繼兮藩跋扈而寇矯強視虞夏其霄壤兮亦  
奚取於小康也肇

皇祖之啓運兮滌腥

塵而廓寰宇累八葉之重光兮俊乂登而禮樂  
起海內外之嚮風兮抱一藝而靡遺獨余眇之  
敝罔兮曷偃蹇而無爲詎予行之未脩兮抑帝  
降之莫違顧道德之不諛兮懷往哲其弗追等  
榮辱如晝夜兮又胡爲俯世而歔歔羨由光之  
高義兮嚴君披褐而釣延陵讓國以遁逃兮斯  
鞅爲世之所笑悼鍾期以絕絃兮繇聲氣之同  
調遭三聘以濟時兮樂風雲之感召殆耳目之  
聰明兮資文藉以自娛彼華室以旃幪兮予構



泉石之敝廬服軒冕以赫奕兮有衣裳之在笥  
錯珎羞以列鼎兮愧彈鋏而無魚既飽食以自  
適兮庸馳心於外慕採西山之薇蕨兮又奚計  
夫旦暮悲年齒之易衰兮慮日月之不我與扣  
穹蒼以申告兮鑒吾生於下土昭巫咸以命卜  
兮謂予年之六九嘆去日之已多兮計來者之  
不久徒營營以繆流兮羗鞅鞅其紛糾逆回景  
之西沉兮奚取夫醉生而狂走卽玉容之委謝  
兮萬物於我乎何有重曰駕蒼虬以遊赤漢兮  
靈承於帝庭吸沆瀣以蟬蛻兮用全我之形雲  
陸離以幡纒兮秉二曜之精光驅風雨以戒途  
兮叅上宿之列星躡崑崙以騁步兮陟泰岱之  
層阿覽滄海以遨遊兮揚弱水之清波植松桂  
以結屋兮披雲霞以文室裂蘭茝以爲衣兮望  
瑤臺而止息蓬萊縹緲其杳冥兮路修阻而難  
適攬衆芳忽零落兮又孰能鑄予之顏色歲冉  
冉以云暮兮胡不放情以淫豫遠溷濁以翱翔  
兮亦自足以容與吹鸞簫而鼓靈瑟兮盼王喬



以延佇返初服以守玄牡兮庶安期之可遇

夏鍤

居閔賦

居邑邑以無故兮莫時命之大乖抑所遭之不  
猶兮記前聞以興懷二八生而選虞兮傳巖築  
而登台備姬旦其何人兮下白屋之微才孔曰  
鮑叔其賢兮實導桓以相賊矧常何之備武兮  
忘驟薦乎家客悲此義之不晰兮胡天經之與  
地則苟青紫之旣登兮班濟濟而忌刻羣奉已

以上下兮謂元元其疇依惟予心之不然兮廁  
孤憤於羣嗜豈肉食之爲鄙兮魯布衣之有知  
感鄧生以杖策兮叫帝閭而謂之嗟此愿之不  
遂兮恒日夜之怲怲忽掩卷以長嘆兮將投筆  
而趨耕聊徙倚以登眺兮薄遐想於青冥悵天  
道之幽玄兮考古人之攸行甯子伏而商歌兮  
三閭放而楚聲其一舉以該輔兮一從彭咸之  
故也豈纍其劣而溘兮固興亡之數也苟此理  
其或然兮吾將蕩而不慕也樂得此以卒歲兮



茲未久其又寤也昔尼父之年老今有歸與之  
嘆音彼賈生之不羈兮終泣涕而隕身非夫人  
之好勞兮固懷鬱鬱其難任眇予身之不量兮  
志瀕洞其無垠奏黃鍾於瓦釜兮冀竟舜於君  
民抗危辭以激烈兮忘此身之賤貧譬負山之  
蚊蚤兮爲昭代之杞人衆與我而不和兮婉相  
告其猶疑競貪婪以交征兮謂清士之非宜紛  
媵媿以干寵兮謂靜女爲弗奇毀方爲賢兮緘  
默爲忠揭囊爲利兮被服爲榮居上爲顯兮位  
超爲通圖惟其始兮不慮其終謂天蓋高兮后  
土矇矇陰隲爲誑兮殃慶害從諄曰野響合節  
兮大音不諧儉人得路兮正已無階吁嗟然兮  
吾將與達人以忘懷

何景明

別思賦

君何爲兮遵脩途以長徂俾予懷之弗怡曠  
愴而罔憩顧左右而若遺莽川陸之廻薄迥城  
闕之逶迤山翳翳而景入林蒼蒼而鳥稀拂清



霜而採松迎夕露而折葵托涓忱于微贈諒予  
志之可追皎秋日以矢心指寒歲以爲期俟行  
塵之我延臨晨風而褰衣

東門賦

步出東門四顧何有敝塚培纍連畛接畝有一  
男十饑卧塚首傍有婦人悲挽其手兩人相語  
似是夫婦夫言告婦今日何處于此告別各自  
分去前有大家可爲爾主徑往投之亦自得所  
我不自存實難活汝婦言謂夫出言何絕念我

與君少小結髮何言中路棄捐決別畢身奉君  
不得有越夫聞婦言此言誠難三日無食腸如  
朽管仰首鼓喙思得一餐大命旦夕何爲遷延  
卽死從義弗如兩完婦謂夫言爾胡弗詳死葬  
同溝生處兩鄉飽爲汚人餓爲義殤縱令生別  
不如死將夫慍視妻言乃執古死生亦大爾何  
良苦死爲王侯不如生爲奴虜朱棺而葬不如  
生處蓬戶生尚有期死卽長腐潛窳黃泉美謚  
何補夫婦辯說踟躕良久婦起執夫悲啼掩口



夫揖辭婦投淚西走十聲呼之不一回首

徐禎卿

懷歸賦

永濡跡於都邑歷壯覽以徘徊仰桂殿之宏麗  
峙天闕之崔嵬配辰樞以作極扼喉襟之要樞  
臨飛閣之杳眇倚曲檻而躊躇望靡靡而無畔  
廓千里而丘夷懷句吳之下邑嗟隔越之可悲  
心愴愴以增戀魂營營而外馳豈茲土之匪樂  
哀故鄉之日違望浮雲之南翔慕征鳥之東蜚  
嘆予躬之栖旅長淹留以何須大風鬱其夕興  
振四野之黃埃天慘惻而沈晦失南北之輿陔  
樹木悽其號淚鳥索群而鳴哀愁塞耳而頽望  
掩愁思之彌彌夜展側而不寐步客庭而踟蹰  
戒膏秣以至旦逝言返乎舊廬

王廷陳

左賦

有序

夢澤子不善宦見閔有司黠民乘之  
坐是拘繫自傷疾惡反中乃作左賦



詞曰

晝晦宵明川停嶽行隆冬劇燠六月而冰墮毛  
不揚石舉輿升廢輦振韻奮霆無聲群欣逐臭  
乃厭蘭芳猜鸞駭鳳精粳飼臬仁躋德跣勁弧  
射堯恬海狎江隘瀆沉躬風虎輟嘯土兕而號  
曠德旣收聾司音矣彼之朦朧五色分矣駿足  
則縛蹇服乘矣侏儒引臂上捫星矣醜女專憐  
媿媛不御讐壁惠蠅踏巾首屨適郭捐逵擇潦  
而步賁獲閉勇尪夫勁兮麓兎折趾獵者競兮  
不根而葉季爲孟兮亂曰被繳之鳥載拔其翎  
彼寔酌酒謂爾何醒寇踰其垣導寇以登彼田  
不治懟隣之耕

皇甫汈

感別賦

有序

戊申之秋八月初吉季弟水部郎子  
約以制滿還闕而余羈繼都亭移書  
告別發函披誦悲不能勝嗟乎丈夫  
之生自懸弧矢以來孰不有志於四



方故曰人豈鹿豕也而可常聚乎此  
光祿之賦惜其淵雲詞靡而病於兒  
女情多蓋別不足以興悲而情有所  
感於別則悲可知矣因譔茲賦以代  
餞云爾辭曰

別方異緒離狀殊端在有情而必歎豈同氣而  
能堪輶車陳於垆側舟楫戒於江干或感慨於  
川逝或行嗟乎路難涕臨觴而共投心執袂而  
俱酸善哉江生之言曰黯然而銷魂值我愛弟

遄往帝闈愧雙鵠之並舉今矯乘雁而孤騫若  
夫未營四方聊事一室侍讌庭闈聯經几席辯  
索研墳遊璣討曆繹孟氏之有三詠詩人之旣  
翁至其恭承嘉惠忝竊龍光仲兮叔兮乃以軒  
而以翥伯也季也復載翺而載翔或影纓於建  
禮或結綬於文昌或馳麾於趙魏或沿牒於楚  
湘乍垂雲雨少別關山旌指洛而將赴裘滯秦  
而未還行行路何極去去情不忍寄芳草於春  
池攬素毛於秋省夏暑溽而扇違冬飈厲而衾



冷顧奚別而非悲抑奚悲而云甚迨夫丁辰荼  
酷軫患纏綿乾覆奄奪慈景俄殲悼金昆之脆  
質凋玉樹於華年同朝露之溘盡展夜壑之已  
遷繫慶往而弔來亮福倚而禍伏豺狼逞凶蜂  
蠆隱毒構曾參爲殺人收張儉而屬吏謂死灰  
其不然詫凝脂之可畏投清流使合污惡獨醒  
而強醉胡人心之險巖兮亦天道之冥昧賂苟  
輸而在宥兮囊無金之可致鄒投珠而遭盼兮  
和抱璧而蒙冤乏文姬以請駟兮望融弟爲急  
原得與喪其齊塞兮退未遂而觸藩肆蒼鷹之  
亂紀兮實桀犬之餘孽隕東晉之玄風兮黜西  
州之英烈誰百口其相明兮空撫鏡而存舌中  
郎奮於鉗徒兮應相起於溺摺尚錄過於代門  
兮布揚芬於漢闕將逆施於末路兮終雪耻於  
前哲斯時也雖具邇其含悃矧駕言以遠別遵  
首路之逶迤兮睇蕭晨之悽緊憑江閣之交疏  
兮見中洲之帆影淮水落而彭城荒燕雲飛而  
冀門近想天上之仙班恍夢中之幻境粲西笑



而心搖託南樓而跡警追二陸於疇昔今緬兩  
到之徂征置美酒以高會今列祖讌於華楹徵  
綺羅之妙舞今被絲竹以新聲懼堂中之蠟燭  
忘戶外之驪鳴雖擬跡而同別亦原悲而異情  
憤世道之黯黯今請以余爲殷鑒衆女嫉茲娥  
眉兮均自沉於明艷客方誠乎用光兮稽弗戢  
而惟患雲賦就而晚疲賈書上而早譴齒何貴  
而象焚鞞乃灾於豹變庶養德於木雞母處才  
於能雁辟涉海而獲濟今諳風波之苦辛傷虎  
口而幸脫今猶心悸而告人疾已痼而復初今  
舉藥石以具陳羽有落於虛彈今咎無蹈於震  
隣紛余季之玉秀今又襲之以蘭芳振逸響於  
寥漢兮赫揆藻於明光恩被命而攸渥兮德潤  
身而彌彰渺岐分於川岳兮瞥星散於參商季  
昔時兮送余余今日兮送子若迭代於天運匪  
往復於人事喜何劇而無悲悲何窮而無喜情  
生文以叙離詞因情而歛思腸屢絕於停毫泣  
欲盡而盈紙願行者其勉旃惋居者之已矣



韋布

黃省曾

悲士不遇賦

嗟嗟叔運吁乎慨矣搏剽豪奪淪千載矣風安  
習成莫之改矣庶望平理其誰采矣委而舍旃  
民凋壞矣遽遽皇皇泣沾灑矣河清鳳歸老不  
待矣末如之何蹈溟海矣彼陶化之網密兮惟  
登物而阜生仁既有所不逮兮乃畀授於上英  
何既練之以才美兮又俾躓頓而瘁沉遊淒落

之宮圃兮詠先王之德音蘊贊國之宏噐兮無  
聞譽之著升徒營營而中熱兮日民疚之係心  
傷元衆之顛喪兮無草木之潤榮畏培克而逃  
邦兮賊饕悍而殞身嗟州海其皆然兮鮮一隅  
之泰寧豈有皇之滔蕩兮故翼奸而紛紜無關  
茸之不陟兮無汚墨之不伸危址本而搖蹶兮  
尚恬處而不懲思排凶而施膏兮時與命其不  
將相彼么僧之速顯兮窮巨彥而彷徨閔在位  
之虐燬兮播水火於萬方欲阿逢以揣合兮非



賢人之素腸秉玄默而淡守今茂旌蒲之召揚  
執歛寶而絕志今撫生民而涕傷冀堯舜之何  
時兮鑿綠髮之早霜匪擯匱之足恤今痛天命  
之不祥曰希時而從祿兮亦委蛇於帝宮苟德  
穢而躬華兮背孔子之令風順時辟而揮走兮  
雖圭紱以何庸寧困卷以逍遙兮抱聖道而長  
終

射病賦

晉昭公憊然弗樂憤然有疾四境不理紆體索  
息偃之則煩振舉寡力乃問簡子簡子不識董  
安于進曰臣聞扁鵲者洞覽中藏以生枯起死  
名天下何不召諸廼奉黃金萬鎰重錦百綺安  
車抗旂之渤海聘焉扁鵲至晉引之紫宮延於  
玉房褰帟締察徐雅善詳首診脉候次審厥色  
逡逡循循愕然而告昭公曰君王之病臣固知  
之然其成也非一症積也非一日矣臣請爲君  
王歷言之可乎昭公曰唯唯扁鵲再却再進而  
言曰今君王之病廼有目瞞不覩耳閉不聞潰



乎若壞汨乎罔停其名曰煎厥得之薰蕕邪正  
淆渾黑白嘉言讜謨孔貶以黜小大近喪內鬯  
中國復有螭虺赤弱其族云九盤貫滋大亡殞  
非久其名曰蟲蝕得之培克在位蒸庶濡首土  
田錢刀強梁者阜民靡有黎誰與爲守復有火  
逆銷金鬱其胸路上下關格食飲反吐其名曰  
痞膈得之瘵困煢苦無以宣述仁賢擯野莫展  
忠臆多我靦瘡不雨天澤復有掉臂則掣興股  
則攣左引右控拘疹不安其名曰筋慙得之政  
如束濕科以箕歛深刑刻罰稅及雞犬思彼樂  
郊水火庶遠復有血氣揮耗精神倦凋皮衍肉  
脫不能終朝其名曰風消得之居無蓬牖耕無  
莽田民鮮鄉着鴻鴈播遷土崩勢成厥禍昭然  
復有鰓鰓洞下娛娛善利一有所饗十有所去  
其名曰餐洩得之宮殿侈廣營役不休九府殫  
竭餼廩若流土木大淫繇子作讐復有洒然被  
風軀半不遂肢弱掌戰艱苦興憇其名曰痿痺  
得之外重內輕五大在邊栽養獷悍姑息自先



一旦除之厥變孔延復有慌慌罔罔冉冉侵侵  
昵之私之逐捨不能其名曰鬼疰得之大佞若  
忠君倚股肱乎灌骨髓執樞掌衡萬幾繇之鮮  
有不傾復有憤盈王蒲水氣陵侮區區之腹捫  
焉若鼓其名曰臏脹得之貪臣播虐豪門煽毒  
空夫包怒子婦吞哭極而潰泄天地反覆凡臣  
所言果中君王之病否乎昭公曰寡人所苦一  
如先生之言天苟不棄寡人得從先生以治南  
面有日矣扁鵲出謂董安于曰君王之病非湯  
液醲灑之所及鏡石案熨之可施必也徵五臣  
於虞庭借九人於周室寄以調燮委之融和庶  
幾其可瘥也若在扁鵲則陌巷之醫爾誠不能  
達曉君王之事

### 禮貧賦

予讀揚雄逐貧賦末雖揭露反正而憎戚厭苦  
厥心當無釋然竊希仲尼不去而樂之義作禮  
貧賦黃子閉戶與貧胥處歷年四十蕭貌敬禮  
顏無忤色口無訾語麾之則從凡命皆喜賓於



茅齋弗敢怠侮左右盤從形影爲比仲夏吉日  
攬貧登堂拜而致言曰玄哉爾貧虛妙曷測善  
蔽弗成是爲天德宰而不有施而不積蕩乎難  
名熙相萬物昔毗堯舜投金抵壁藿羨糲粢仁  
覆蒼億勵說操版吏望秉戩舉粥作師皆汝之  
力大任將與勞震勛骨返我仲尼要久肝膈曲  
肱奉枕蔬水奏食偶旅陳蔡琴歌共懌兼友淵  
參原憲懽密簞瓢在陋饑餓屏跡龍行逾高鴻  
揚靡忒主亭者何織葦者勃寄餐牧豕耕草釣  
澤翁爾顯庸侯王竹帛繇是觀之得汝者成名  
失汝者穢慝上建神哲下起勲績處以修躬蓬  
蒿潔白出以佐采貞素表職生而恬康樂天自  
得沒而無疚奕代軌式遺安孫子錫慶綿蟄僕  
自爾來爲道增益氣凌青雲心對皓日聖途尚  
羊王徑被飾卑細蠅蟻蝨眇貨殖山藻誚愚千  
駟鄙沒糟糠令妻考槃淑息萊子見遊裘公樂  
集却謝車馬孤抗泉石國無妬人鄉靡怨客門  
可雀羅消搖坦適修夜常寧安衷鮮惕出無畱



顧入靡紛迫偃仰探經肆精奧極溢吐文章條  
貫矩尺端言蠕動庶幾爲則名播九方甘守沉  
寂與汝蟬嫣豈敢踈逃樂只君子頌汝朝夕於  
是貧聞而喜乃告予曰吾與子居曠久習便吾  
有胸臆未與子言我貧與富皆命自天天有二  
役授與不愆富畀小人貧歸大賢貧者福之富  
者禍焉滔淫貪墨乃與周旋盜跖吟口惡戾彰  
宣狼咋虎冠德義委捐烏羸畜牧猗頓鹽鹽酒  
削胃脯鼎食騎連好之則聚慕之乃前不趨寇  
鈔則在市塵凡百溺之鮮不覆顛高明鬼瞰醜  
肥瘠纏妖艷瞽心桑濮奪延智者使昏方者俾  
圓愛斷懿戚虐起貴權弑父與君競此致然仇  
繇賂滅榮夷利孿郿塢取戮金谷自殲多藏厚  
亡散如塵煙宦雖巧捷隕之重泉斬宗殄祀墟  
宮莽田他人入室其道好還帝王張奢祿且不  
傳况彼蠢庶乃握貨權天阜資具均濟普全匪  
伊私獨可以掩專分踰必折徒取瘁煎富豈嘉  
德迷夫固憐情傾志嚮癖嗜罔痊凡今之人唯



金與錢子既知我我敢舍旃願與終始垂休萬  
年

盧枏

廣招隱賦

碣石隗索兮築桂宮礱礪礪兮連雕墉明月  
瑤琨兮光陸離犀象蹲視兮填文墀長裾結劍  
兮雲霓刻燭遊戲兮尚夜來孔旒兮翠羽撞  
華鐘兮枹鼓額兮繡褱駢進舞兮龍堂色氤  
氲兮曼睎送琬液兮瑤觴君胡爲兮山間踞磐

石兮飲泉空谷兮無人羌蔽濶兮蓊翳杳冥繆  
兮瑟兮鬱崛岉兮精幢幢兮神罔壹兮深林險  
阻兮虎豹往來鬼太息兮君焉處此甘蠹蝕兮  
鬱岬嶮嶮兀礧礧礧叢萑軋弗隨風婀娜蘿薜  
網墜兮紛紛魍魎怒嘯兮愁人綠罷兮玄狘攀  
援長驚兮邈不可親君何爲兮不歸徒竚想兮  
浮雲重日王孫逝兮碧草幽明月嶼兮珊瑚洲  
檻朝霞兮不可見窮四海兮焉求翼神龍兮來  
過鳴鳳凰兮庭柯桂樹兮又何爲兮淹留聊出



隱兮與堯舜而賡歌

遂虛賦

姜次渠鄴之良郡貳爲要路所忌徵  
入部士民傷之因有斯賦詞曰

丙辰暮春壯遊鄴都超仄隩履平蕪羊腸走險  
鹿角通衢蕩陰開其南邯鄲倚其北左引衡漳  
之浦右據太行之塞誠京邑之藩屏霸王之區  
域於是鴻風昌慶雲蔚大人起神龍會決閭闔  
今叙長雲瀾四海今歷河濱翺韓陵兮俯洹野

戢亶甲兮紹前芬若迺承流三輔翊戴王室日  
牛無全害馬迸跡春秋郊行生物蕃息士女謳  
歌鳥獸翔舞式乎四國爾優游暇豫退食在公  
瓦雀行案山鳥下廳青苔繞戶綠樹垂榮窺明  
月兮虛堂仰浮雲兮太空佐卧治於淮陽資芳  
猷乎廣平誠希世之哲匠乃邁古之化工爾迺  
梁父鬱興三塗並起靜無寧波動卽覆軌蒼蠅  
鳴白黑溷市虎張真僞眩巾征車之闐闐兮去  
東陽之舊疆歷鷓鴣之荒陂兮趨爛石之崦岡



虎澗罷嘯龍山葭光瑤草就歇玉畹橫傷風淒  
其而啓途雲蒼鬱而飄揚玄猿綠狝睢洩鞞踏  
排林蹶石群呼狂驤於是賓北門張祖宴諸侯  
來方岳餞征馬鳴雲旗亂笳鼓競起金石交作  
絲簧迭奏絃緼懔悒圉軋護濩發言爲酸振衣  
爲喟左右淚落莫敢仰視豺狼嗥兮路垂鴟梟  
鳴兮林間欲往從兮不可將獨處兮懷愆爾乃  
君門萬里一視無際天閣攪人闐噁鼉虺虎豹  
環繞鉤蛇傍衛自非飛仙捷徑而介入又孰能  
排紫宮而謁上帝於是燕國大夫退而嘆曰僕  
本澹人游心大空涇渭渾澗出入濛鴻等天地  
兮山川猶毛髮兮在躬我無物而不得物無我  
而弗通總唐許於瞬息齊菌桂於一終乃今神  
遊於太玄遂吾虛於無窮爲之亂曰若有人兮  
乘紫烟入大化兮超蹄筌佩冠劍兮上下昭日  
月兮回沿何蚊睫之少虞又奚足爲吾芥焉

征旅

縉紳



李夢陽

宣歸賦

正德九年是歲甲戌厥月辛未臣以  
居官無狀得蒙寬譴罷歸迺作宣歸  
之賦其詞曰

昭浮清以覆育兮北斗平均而酌時  
蟪蛄微細而先秋兮水知寒而流澌疾  
余生之蠢持兮性重剛而習坎吾旣悻  
直獲斯厲兮孰復訟心於顛頷悲羣志  
之詭異兮恒忌勝而營已與已好

則曰好兮忍憮蛾眉而攻毀緊聖人無  
小大兮吾聞大道以天下爲公彼黨同  
以掩飾兮擊非儔而謂忠惟古人之醜  
僞兮迸四夷而投北胡今士之婪穢兮  
廉之則云伐德帝板板以遼廖兮九天  
立而雲征洧汶汶以瀕夢兮豈察詳而  
悉情滂澄清厥躬殆兮原靡豫而遭放  
美余焉獲茲嘉閒兮詔冠帶以流浪晨  
靈雨以揚楫兮溯江漢之滔滔背朱明  
之游颺兮面長庚而北適瞥九江余習  
儵兮超大別而逾迅介夢澤以



洋洋兮風沔郢以遵順宵認參昴兮晝諦波濤  
痛定思痛兮瘼前車而內切衆垂滑以善憎兮  
尊沓嗒而背訛諛媼媼以朋附兮瑣刺齷而陽  
紿艷余惡以披離兮矯九仞之翾翾趨溷悶以  
孤變兮巢雲柯之蔽芾彼叢噪以側睥兮含沙  
射而伺予夥千百以致一兮標寤言而誰語陋  
嚶尹之僞態兮請偃僂唯唯趨起生捩直俾之  
曲兮民炎門礮而肉魚股膏血以日富兮佯減  
儉以豪素哀窶人之填寡兮彼醲鮮袒而號呼

心與迹旣我逆兮焉飲食之遑寧憤粉飾之亂  
姣兮疇知余結駟而憊膺時鑠金之水鬢兮吏  
抱牒環而相勿汗簌簌以零案兮風薄肌之瑟  
瑟柄潰澮以煩擱兮念偃仰之不可得報束帶  
以例趨兮衷眩戰而狐惑徒文繡之外彪兮內  
棘戟其誰知思玩慢以鑿遷兮則又懼素餐而  
神灾吾寧轟烈劣撇與世選兮良不忍骯骯齷  
齷與草木而塵埃惟代謝之飄忽兮慨顏跖逝  
而黃丘究萬變以定命兮孰長存而竟畱懲夙



昔以質行今吾幸夫前路之尚修余指日月之  
顯隅今廻巖阿而槃考徙桑若以敷蔭今移嵩  
華而分島仰峰嶸之嶽岑今俯泉瀨之磻磻穆  
宥物以潛處今探理窟之英邃合性命而論一  
之今周覽陰陽之轉圜橫宇宙以長觀今驗妙  
門之玄玄混沌及而天地覆今堯桀泯而誰分  
篤述作以強志今吾豈願來者之盡聞

徐禎卿

述征賦

歲大呂之季律予戒行於上都愬北風之慄慄  
掩霏雪以遐徂愁長路之不極詠役車於周詩  
聊騁日以宣憂愴懷土而興思歷維揚之故域  
背大江之皇陂悲窮野之寥閔憇淮陰之城隅  
訪王孫之遺蹟謁漂母於空祠哀智傑之有窮  
亶民生之多罹惟往昔而顧念心搖搖而夕悲  
逮明發而振楫遂慷慨以遐辭

楊慎

戎旅賦



恭承恩譴兮于役滇越捐珮江臯兮解紳雲闕  
三陟崔崔兮九折黜黜不日不月兮遂屆窮髮  
撫孤旅而悁脰兮掩衆困而慙心悵圭籥之駸  
邁兮逾四稔而迄今父母孔遠兮懿親離而北  
南類連達而分衢兮似同波而殊濤慈烏忻於  
共巢兮恒鳥悲乎異林彼織羽之微族兮亦命  
侶而踈跣何生人之含靈兮乃離群而弗如詠  
清人之介駟兮感放士之鳴鴉姬公畏于熠燿  
兮尼父惜夫螻蛄屈托乘于螭豹兮莊寄徑于  
魁虺在聖哲而固然兮攬古人而重歛哀吾生  
之罹郵兮背中土而播荒粵戴盆而伏嵯兮望  
崦嵫之末光神悅恨而蜚颺兮形鬱卷而傖囊  
睇孫水之浩渺兮瞻靈關之峻極聆猩猩之夜  
啼兮履狒狒之朝跡尋終古之攸居兮問祝融  
之昔宅胥靡登而不懼兮魑魅過而奚慄岵岵  
颺揚兮含沙影流喟茲徂春兮忽焉杪秋月令  
殊於九州兮瘴卉華而歲周若有人兮好我携  
旨酒兮思柔采檳榔兮綴扶畱贈相離兮結忘



憂寒鷦鷯兮爲脯露江魚兮爲羞滇歌兮爨舞  
白日逝兮玄景浮獨持觴而懷遠兮雜嘆歎其  
向陬遂還軫而休室兮隱零雨乎寂夜引簟枕  
而假寐兮遙夢歸乎親舍家人嘻以欵語兮閭  
里紛其來訝衆雞鳴而驚余兮晨光朏乎東射  
悵懽夢而覺悲兮淚承睫而交下假靈氛以歷  
占兮援龜頌兮余謝曰明庭其布德兮子行歸  
乎肆赦系曰莫靡荒服自中古兮日月之表燭  
不普兮章亥步窮禹罔睹兮蘭津開道行商苦  
今碧雞望祭使者阻兮余亦何爲恒此土兮金  
躍不祥順勿忤兮樂天知命去何憚兮

廖道南

南征賦

毅皇北狩儵而南征星週月窮言旋鍾陵孽雄  
喧驕莫可殫陳迺賦南征焉其辭曰繄

天王之南征兮赫神武其昭回懸日月于翠葆  
兮綴星河于彤旌驅海若使清龕兮馭天吳而  
掀髯鬣蚪龍天矯以燭燠兮魃羅翔踴而環儷



群貞裂背而莫留兮夫疇尸乎厲之媒探玄造  
之冥邈兮若啓休葉而中恢雜舳舻以如雲兮  
列蒙衝于海隅揚鴻威于六漠兮允猷孚于九  
垓曳黃能于羽淵兮驂白鱗于極浦悲罔象而  
嘯馮夷兮虎足跼而脰頰彼螭虬之罔知兮亦  
何勤恤兮蛆蚊咄鼻安倫琳之方命兮干天紀  
而敢予侮往遇噐而徼狃奔兮盾搏訑而鋒猥  
偷嘻纖小之戲戲兮昧煦沫其荼蠱滴彭蠡而  
流穢兮環孤山以橫敷闕圍城而架雲衝兮矢

雉牒其如雨謇烈夫之宣翊兮卒挾纊而投醪  
敷義勇以勤王兮匪鞠芎庚癸而忘勞驚鶩鶩  
于淮蔡兮走魃魍于江之洲羅鶩鶩以貫槩兮  
亦奚遺夫鷩鏡而周周族鯤鰭以聯胤兮胡恣  
釋于鱸鮪而蚘繆甲水犀以鞭流兮梟白燾之  
兜鍪二廣四翼前茅蘆兮醢血肉其髑髏歛妖  
稜于日表兮璫珥垂蜺遯焱而潛雲抑人謀之  
克臧兮實天命之有主讓帝閭以嗽辭兮曰予  
躬狩于白下

叶

遲六飛以作好兮起邊燧于倏



憚將羯胡而師曳落河今庸耀武于王之度髣  
盧彭濮蠹而環衛今寄象鞮譯翼其來護馴脩  
狼之野心今剪孽狐之妖媼於皇真宰誘其衷  
今念內寧而無乖神機宵而割變今何俟乎彳  
亍而徘徊歛山岳而奄江河今指鳳陵與燕臺  
將納民于軌物今豈大往而小來莽鎧甲其蒸  
霞兮虎橐靖而振龍縑駛輪轂而焯雷今易縹  
旄而襲貂蟬摘羽毛于天竈今飾物采于雲旗  
皇清塵以引領今士女跳躍而喧闐觀馳道其  
英帝革閏神謀內裁龐基攸鎮肆我 泰

陵垂十八年豐亨豫大智神仁天早建元良萬  
邦維慶崇文演武胥適胥正逆瑾旣族姦芳用  
懲恪遵天度厥聲厥靈黠爾么麼黯奸國紀振  
落發蒙崛強其旅王猷允塞先聲如雷如雷如  
霆四方震驚弧矢載韜罩其文德文德昭回洽  
此四國深維大命重輪重光繼繼繩繩萬葉無  
疆

張時徹



浮沅賦

釋輶兮乘舲肅徒兮戒旅鼓榜兮擊汰橫橈兮  
樹羽鯨蜺吼兮風颼颼鼃鼃鳴兮水搖曳天冥  
冥兮白日昏雪飄飄兮雲之際層崖豁以豁  
削壁矗而巖頂洪流兮湯湯白石兮齒齒高樹  
折兮烏亂啼空谷震兮沱岸徙俄轉瀨兮若奔  
忽赴曲兮彌駛驟若驚飈赴若電熾柁不及迴  
竿不及繫崩濤觸石應聲輒碎舟子愕兮色喪  
僕夫慄兮神悸於是祈宓妃禱玄帝禳天吳詛  
如堵兮父老泣下而悲咽叶霽宿雪于明光兮  
沸廣儲之疏絃開太液之堅冰兮簇昭陽之翠  
鈿慶晉陽之南威兮西雍飛燕僂紹而便娟爾  
乃樂班伯舉杜康建白旂開玄堂斥魍魎斲獠  
狂納月華于枌栢兮侈山容于栢梁裊篆烟于  
魚藻兮促蓮漏于未央牖淵懿而開霽兮驟有  
事于南郊神天訖而通墜靈兮明禋閱祀而方  
交雷鼓編磬戛其具陳兮六同五和鳳遂而鸞  
簫肆雞彝象鼎之備物兮玄纁黃綺上下其膏



管竭皇舞被舞之影翩兮奏神功之豐隆曰殲  
茲逆德而靡遺兮昭旂常而有終迺朝享于紫  
宸兮受萬國之來同蚩尤格澤不足爲熒惑兮  
延祉祚于無窮揭乾柄爰自強兮惜震噐而滋  
慎服道德以持恒兮操剛健以居正環泰清其  
救寧兮罔播棄乎黎老之憇追遐軌而軼三五  
兮豈伯鬲之罍豐重曰維天右民維聖建極維  
明明后永世作則

高文啓運克貞元符

日晶天廻肇厥洪圖

宣廟靖藩

屏翳裂衣袂施斧剖塗孔罅椽榑旋旣脗兮  
復離乍將固兮忽弛睇羲和之寢曜懼陽侯之  
繁崇命舳舻以改載泝明月而東逝雖禍福之  
有定孰行險而不躓

陸深

水聲賦

并序

陸子北征困於道路日不數里而腫  
隸扃啓數更告勞獻瘁蓄洩稍愆則  
舟膠于沙夜宿河次聞河水努脾而



過者淙淙汨汨卧不成寐乃秉燭倚  
舷聽而賦之

轟轟乎蟄雷搏地軸與躑躑乎將颶風撼而砥  
柱折與喧喧乎龍嘯雲與哮哮乎長鯨之吼日  
與逢逢乎周庭鼉鼓何桴之不絕也呖呖乎蕭  
寺鳧鍾而逴又無節也閔閔乎共公之首舐觸  
天柱與隱隱乎穆王之駿複道馳掣與縱縱乎  
長平機發金革偕糜與烘烘乎咸陽火縱而玉  
石裂與南薰和兮調揚泰山頽兮響長洞庭奏  
兮未闕華州哭兮不傷將使褒姒輕裂帛巫山  
醒襄王胡騎解重圍而鍾生改聽乎宮商也陸  
子寤驚惕若心兵靜言審之胡爲乎鳴舟人告  
予是曰水聲

形體

徐禎卿

醜女賦

伊何賦形獲此醜疾厲陰乘陽女奪男質眉闊  
豐吭突頰仰鼻多言舌濁連引齶齶形如死豕



勇慙多力槁髮短禿面目黧黑脂不能赭粉不能白三十不嫁守信閨闈供勞杵臼蚤夜弗息雞鳴入機沒晷下織復有巧慧刺繡緣飾世無梁鴻孰求子匹東家有女窈窕麗色絕世無雙妖媚輕側越戶闖墻靡識力尺觀者稱醜競欲求得世降道涼好色賤德新臺廢耻谷風見黜周嬖妲已靡吝喪國晉愛驪姬宗子銷骨冶容作厲實猶鬼蜮敢告世人敬監明則

傷嘆

何景明

古塚賦

城人掘土發得大冢壙兆規度頗極宏偉枯骨之外了無餘藏銘誌湮滅年代莫考予爲感焉作賦哀之

噫哉茲兆之夙遐今啓構廣以復紆歷人代而幾何今又安知孰所居冥宮旣已開掖門又已除故域繚爲城今修隧踐以爲衢撿神器之靡存今視靈衣而無餘噫哉遐今藐以茫竟化逝



今鬼銷亡朽骸殘兮紛縱橫被服素塵兮掩玄  
霜蔓草糾纏兮穢蘚生千秋萬歲兮孰爾藏槩  
生平之極娛兮奄大塊之飄塵駟馬不復御玉  
羞安復陳彼克房之姣麗兮緬幽冥而孰親桂  
欄蘭閣委丘谷兮又安施夫黼帳與綺茵舞袖  
纏緜以何見兮鳴瑟寂而無聞哀懸車之莫察  
焉怨修夜之不晨悅榮聲其遠濶兮痛素骨之  
翳綠榛嗟有生之必化兮胡彼庸之長勤戚役  
役以趨世兮等飛蠅之與聚蚊日月忽其不處  
富貴之如浮雲

器物

韋布

王寵

參差賦

余聞王卿子美文子壽承皆善吹簫

賦以贈之曰

彼江南兮紫管洞罕節兮條道棍會合兮象牙



爛朱脣兮金鏤承公子兮光御發宮商兮清秋  
羌明月兮翔東美要眇兮雲中携佳人兮燕後  
宮臨曲池兮伏丹櫳吹激楚兮順揚風霓裳飄  
飄兮鸞皇若逢紛余去故而就新兮四海焉窮  
蹇誰畱兮中止忽婉孌兮聲靡眷寶結兮同心  
矢偕老兮君子終擘擘兮縱所之朱顏倏忽兮  
能不悲人生幾何兮朝露晞懽樂不常兮日月  
馳安得千秋兮永若斯亂曰繁音促薄兮蕩人  
心罔象相求兮窮高深神歸來兮勿周章彷徨  
四出兮恐弗勝聊逍遙兮澹容與哀中則兮樂  
不淫

皇明文徵卷四











